

104

# DEO OPTIMO MAX. UNI ET TRINO,

VIRGINI DEI-PARÆ, ET S. LUCÆ,  
Orthodoxorum Medicorum Patrôno.

## QUÆSTIO MEDICO-CHIRURGICA,

QUOD LIBETARIIS DISPUTATIONIBUS,  
*manè discutienda, in Scholis Medicorum, die Mercurii decimâ - secundâ  
mensis Martii, anno Domini M. DCC. LXVI.*

M. CLAUDIO-ANTONIO RENARD,  
Doctore Medico, Præfide.

*An impeditis lacrimarum viis, parari debeat lacrimis artificiale iter in cavum quod,  
juxta majorem oculi canthum, inter superficiem internam palpebræ. & oculi  
globum deprehenditur.*



I.  
N externam oculi superficiem, rore amico, depluit latex limpidus quem fundunt excretorii glandulæ lacrimalis ductus; qua proportionè stillat ros ille, eâdem fere per oscula ductuum lacrimalium refoptus, ad interiora sacci lacrimalis, deinde ad nares, mediante ductu nasali, transmittitur; varia sunt noxarum genera quibus, per itinera modo memorata, præpediri potest lacrimarum transmissio; dum enim majori oculi cantho adnascitur tumor aliquis ut v. g. Enanthis, dum hæret obex ductui nasali, dum fistulâ laborat aut fungo infestatur saccus lacrimalis, dum post inflammationem palpebrarum, coalita remanent puncta lacrimalia, tunc interclusis meatibus, super genas flumine refluo decidunt lacrimæ; huic vitio impositum est epiphoræ nomen, maximas ægrotanti creat molestias, siquidem perpetuo lacrimarum fluxu abstergitur humor ille unguinosus quo lubricantur palpebrarum margines, hinc tarsi intumescunt, rubent, tandem inflammatione correpti exulcerantur: unde natales ducit tertium deformitatis genus quod Edropium vocant; cum igitur gravioris admodum momenti sit incommodum istud, non mihi quod desudarint tot præstantes in arte Chyrurgicâ viri, ut præclusum lacrimis restituerent iter; quid fausto partu in medium protulerit illorum industria perlustrare est, hinc facilius elucescet quam cæteris præstet nova methodus a Celeb. hujusce scholæ M. ANTONIO PETIT excogitata, quæ sola id laudis sibi vindicat, ut periculi omnino experti feliciter in omni casu usui parari queat, citra ullum cicatricis inhonestæ vestigium; & primo ne devii, huc illuc, ferantur gressus, non abs re erit morborum quæ epiphoram generare solent genuinis caracteribus, causis & symptomatibus paulisper immorari.

### II.

NOXARUM quibus tentantur viæ lacrimales individua comes Epiphora; hinc omnia fusdeque miscentibus, eodem nomine placuit insignire morbos indole, naturâ, situ planè diversos; etenim vox fistulæ semper sonat, fallitque incautos insulsa denominatio, istius saltem erroris dedecus vitare nostrum est, ridiculum nimis, Epiphoræ pendenti ab occlusionè ductus nasalis, aut à coa-

litione punctorum lacrimantium; fistulæ nomen tribuere; quando adest occlusio ductus nasalis, his sese prodit notis: cum ad narē perlabi nequeant lacrimæ, sensim sine sensu coacervantur in sacco, hinc turgēt adeo ut extrinsecus in conspectum prodeat tumor qui hernia lacrimalis juxta quosdā; hydrops facci lacrimalis juxta alios vocatus fuit; ubi verò ita intromitt receptaculum ut nihil jam intromitti queat, cum secretioni semper eodem tenore vacet glandula lacrimalis, necessarium continget ut ex oculo per genas decidant lacrimæ; si digito prematur cutis cui subjacet saccus, tunc per puncta lacrimalia refluit humor contentus, qui ob moram spissior materiem purulentam colore aliquando mentitur. Ista facci lacrimalis prominentia facile distinguitur ab anchilope qui est tumor carunculae durus, inæqualis, digitorum pressioni renitens, ab Ægilope quæ est ulceris species in vicinâ facci lacrimalis posita. Timendum est ne, dum dicitur saccus, distractis nimium fibris rumpatur, tunc soluti continui ora semper ab acrioris lacrimæ effluxu irritata indurescunt pus, mali moris eructant, callis obsidentur, & fistula propriè dicta locum habet; causas obstructionis ductus nasalis referre est aut ad compressionem à polypo oriundam, aut ad inflammationem, quibus causis fit ut moras necet liquidum, parte fluidiori sufflaminatâ quasi faeces subsident super parietes ductus sicque factâ congestione, ponatur obex jam artis medicæ molimina irrisurus; post variolâs, prægressâ palpebrarum inflammatione, sæpe contingit ut exulcerata seu puncta lacrimalia seu ductus lacrimales coalescant; hujus mali diagnosi eruitur ex perpetuo lacrimarum effluxu quem in facco lacrimali nullus stipat tumor nec alterius generis noxa. Tandem ex alio morbo genere refractariae admodum indolis, natales mutatur Epiphora. Juxta majorem oculi canthum, rupto lacrimarum receptaculo, sordidum ulcus deprehenditur pusichorosum plorans, cujus ora callis circumdata; fistula lacrimalis audit; quæ simplex aut complicata, benigna aut maligna; complicata quando adest caries aut ossis unguis, aut apophiseos ascendens ossis maxillæ superioris aut apophiseos orbitariae internæ; maligna quando inversa, ac dolorifica soluti continui ora indolem canceri induunt: pro variis istis noxarum generibus in diversas processum fuit medendi vias, ad quarum expositionem properamus.

### I. I. I.

**O**BSTRUCTO ductu nasali, veteres hanc instituebant operationem: lumine adverso collocabatur ægrotans, ipsius capite ad posteriora nonnihil retracto, tunc Chirurgi manus scapellō recto instructa, cutim quæ obtegatur faccus lacrimalis, digitorum ope firmiter tensam secabat incisione semilunari quæ orbitæ curvaturam ferè sequeretur, diducto vulnere prodibat saccus lacrimalis apice instrumentum transigendus, quo facto contra os lacrimale magna vis specillum ita adigebatur, ut rupto osse ad naris cavum penetraret; postea per foramen, aut cereus, aut ligneum bacillum immittebatur, quæ retrahere nefas donec plangæ exteriori cicatrix indurata fuerit; spreta obsolevit hæc methodus, nec immerito, præter periculum quod secum invehebat ossis diffusio, id evenit ut, retracto bacillo, luxurient undique carnis gemmæ, seu ex membranâ pituitariâ, seu ex tunicis facci lacrimalis, sicque, obrurato aditu, malum de novo recrudescat; secum reputans quam manca sit veterum agendi norma Anellus, novam methodum excogitavit; immisso per punctum lacrimale superius tenui specillo paululum incurvo cujus apex in olivæ formam desinit, illud adigere usque ad cavum facci lacrimalis, tunc blandè motitando, oppositum obicem vincere nititur, quem ut superet facilius, injectiones adhibet, mediante enim parvo syphunculo, iteratis vicibus, liquor idoneus in saccum impellitur; ista rectius excogitata nondum omne punctum tollunt, 1.º Multos nancisci est apud quos per eximiora

ductuum lacrimonum: orificia aditus sive specillo, sive syphunculo patere nequaquam poterit. 2.<sup>o</sup> Quandoquidem intromissio ritè succederet, harena ductui nasali moles, illatam vim luderet, aut nondum altiori radice serpsisset malum; in medium profertur altera methodus, quæ faustos habet exitus quando morbus sit in principio; huc collimare est ut institutâ compressione, nihil colligi queat in sacco lacrimali, & dum mediantibus per nares injectionibus minuitur in ductu nasali resistentia, sensim sine sensu ad pristinum robur redit: saccus, & obex aliquando solvitur; si nihil inde boni emerferit, ad aliam opem confugiendum venit; adactis per nares in ductum nasalem specillo, nucleus obstructionis pederentem frangitur, non omittis interea injectionum artificiiis; quo quidem operandi modo id obtinetur ut feliciori nisu in nucleum impingatur, attamen non rarò caret effectus prædicta operatio, ea adesse potest conformatio ut, osse turbinato inferiori supra quod hiat ostium ductus nasalis strictius ossi maxillæ applicari, apex specilli nulla arte intromitti queat; Chirurgus parientis Celeber, *Petit* veterum medendi rationem ingeniosè admodum correxuit; incisionem eodem fere modo celebrat, adeo ut ad nasi radicem incipiat super illum locum ubi hæret tendo musculi orbicularis, quem citra ullam noxam lædere fas est; sedulo incumbere debet medentis cura, ut partem cutis, quâ in oculi angulo palpebræ inter se committuntur, integram servet, aliter oritur Ectropium; postea diducuntur incisionis ora, conspicuoque lacrimarum receptaculo altera infligitur plaga, per quam immittitur specillum ad nasi interiora, superato ductus nasalis obice, deducendum: Hanc methodum ceteris præstantiorem varia obsident incommoda, nonne aliquando abit in fistulam plaga exterior? noane modo cicatrix indurata fuerit, metuendum ne intus a turgidulis carnum gemmis ostium præcludatur? tandem quando res prosperrimo omine cederent, quamdam deformitatis notam imprimè cicatricis vestigium.

Quos in obstructione ductus nasalis variè admoverunt auctores operandi modos, sicut ordine recensimus: nunc paucis perpendere est quid in occlusionè seu punctorum seu ductuum lacrimonum, quid in fistula peractum fuerit; quoad primum morbum, non desuere qui suaderent glandulæ lacrimonis extirpationem quasi remoto ipsiusmet operationis periculo, corneæ desiccata diu servaretur pelliculæ hõnos. Alii voluerunt ut acut tenuissimâ transfigerentur ductus lacrimales, sicque ductibus restitueretur lumen; istâ in theoriâ fulgeant, iis enim non favet praxis, hic stetit industria: quoad fistulam, immisso per aperturam specillo, harena ductui nasali obex detruditur, postea medicamentis rodentibus ora fistulæ callis obstita depascuntur, si caries adsit, nudato osse carie tentato, levem noxam spirituosis, majorem ferro candente circumcidunt; quo facto scopus eo tendit ut cicatrix obtineatur, sed si fungus interiora sacci occupet, si ejusdem sacci supuratione exesi nulla mendant vestigia; quid ab arte petendum? in his ut & in prædicto occlusionis ductuum lacrimonum casu siluerat ars, donec a Celeberr. hujusce Sch. M. *Petit* ditata, novum auxilii genus in omnes morbos mox memoratos feliciter accommodatum, protulerit.

#### I V.

**J**UXTA majorem oculi canthum, infra carunculam lacrimalem, cavum quoddam inter internam palpebræ inferioris superficiem, & oculi globum deprehenditur. hic ad latus, in sulco ossis unguis delitescit sacci lacrimonis pars antica & superna quam sola obtegit conjunctiva: hunc locum operationi dicatum voluit Celeb. Prof. *Ant. Petit*, adhibitis quæ requiruntur cautelis, scilicet ut convenienti modo præparetur ægrotans, ut mane instituat operatio, quia turgescens saccus rudi etiam & inexperto monstrat iter, ut in situ idoneo superius descripto, caput ægrotan-

4

tis recumbat; quo facto, diductâ inferiori palpebrâ, adeo ut cavum de quo jam dixi latè pateat, tumori lacrimalis sacci immergitur scalpellum rectum, planâ instrumenti superficie ad oculum spectante, incisione celebratâ, specillum duce scalpello, immittitur, eoque usque ad obicem adacto, vi quâdam ad nares paratur via. Primis diebus cereus minor aut Cannula in foramine retinetur, donec ora incisionis occaluerint; postea ad hunc locum utpote decliviorē delabentibus lacrimis, non perimescendum ne obturetur aditus: hanc operationem exponere, laudare est. Cæcutiret profectò qui primâ fronte ipsius commoda non intueretur; in omni casu successus non fallax, nihil periculi, nulla deformitatis nota, præsens ac efficax in obliteratione ductuum lacrimalium, in ipsiusmet sacci lacrimalis destructione, auxilium, in id conspirant, ut methodus hæc palmam cæteris præcipiat.

V.

**H**ANC operationem nullus boni detractor increpet tanquam imaginationis ludum in mutai silentio partum, pluries jam celebrata, spem nunquam in praxi fessellit; sed ut pericula detegat, se ipsum torquebit malè ingeniosus pavor: nonne, inquit, ex plagâ conjunctivæ insictâ oriri potest valida oculi inflammatio; nonne si carnes ex labro incisionis progerminent, interceptietur ad nares communicatio? Quoad primam objectionem, inanis est mali metus quod tantum re malè peractâ contingit, cujus aliunde facilis medela; quoad secundam, nodus resecandus venit, quia perpetuo lacrimarum defluxu, apertum servatur foramen, præterea mediante cannula quæ in cavo majoris oculi canthi delitescet, omne impedimentum aut præcaveri aut præcidi potest; nullum nunc ferit aures objectionis murmur: quid igitur superest, nisi ut vela traham properando ad conclusionem:

*Ergo impediunt lacrimarum viis, parari debet lacrimis artificiale iter in cavum quoddam, juxta majorem oculi canthum inter superficiem internam palpebræ, & oculi globum deprehenditur.*

#### DOMINI DOCTORES DISPUTATURI.

*M. Cosma-Augustinus*  
LEZUR IR.

*M. Achilles Guillelmus*  
LE BEGUE DE  
PRESLE, Eques &  
Censor Regius.

*M. Jacobus VERDELHAN DES*  
MOLLES, Serenissimi Principis  
Coudai C. nsiliarius Medicus.

*M. Nicolaus JEAN-*  
ROY.

*M. Cé ar COSTE, Censor*  
Regius.

*M. Carolus Ludovicus LIGER.*

*M. Augustinus ROUX,*  
Regia Societatis rei  
agraria, necnon  
Regia Scientiarum  
Academiae Burdigalensis Socius.

*M. Petrus - Joannes -*  
Claudius MAUDUYT  
DE LA VARENNE.

*M. Joannes Stephanus GUET-*  
TARD, Regiarum Academia-  
rum Parisiensis, Rupellensis,  
Florentinae & Stockholmensis  
Socius, Censor Regius, &  
Historia naturalis Musæi se-  
renissimi Ducis Aurelianensis, m-  
Custos.

Proponebat Parisiis PAULUS-GABRIEL LE PREUX, Parisinus,  
Saluberrimæ Facultatis Medicinæ Parisiensis Baccal. Theſeos Auctor,  
A. R. S. H. 1766. A SEXTA AD MERIDIEM.

Typis QUILLAU, Universitatis & Facultatis Medicinæ Typographi, 1766.